



Ma'rifat

МАЪРИФАТ • ХАЛҚ ЭЪЁНИЛАРИ ГАЗЕТАСИ •

1931 йилдан чиқа бошлаган 2001 йил 19 сентябрь, чоршанба Баҳоси сотувда эркин нархда № 74 (7373)

Da'vat

Тасодифий кашфиётларни фақат ақли етилганларгина очадди.

Блез ПАСКАЛЬ

ПРЕЗИДЕНТ КУБОГИ ЯНА САФИНДА

Кафельников эса Тошкент турнирининг энг садоқатли иштирокчиларидан бири, дея эътироф этилди

Тошкентда катта теннис ҳафталиги ниҳоясига етди. Унинг турнир иштирокчиларию муҳлисларга ҳада этган ҳаяжонли онлари юзлаб оммавий ахборот воситалари ходимларининг сазъ-ҳаракати боис дунёнинг турли нуқталаридаги теннис ишқибозлари қалбларига кўчди.

16 сентябрь куни Ўзбекистон Республикаси Президенти Ислам Каримов "Президент кубоги" ҳалқаро теннис турнирининг финал мусобақаларини томоша қилиш учун "Юнусобод" спорт мажмуида ташриф буюрди.

Президент кубоги анъанавий ҳалқаро теннис турнирида яқин йилларда дунё рейтинг таснифининг биринчи рақами мавқеига эришган спортчиларнинг иштирок этгани кўпчиликда қизиқиш уйғотди. АҚШда бўлиб ўтган очик биринчиликдан Юнусободга ташриф буюрган 19 нафар теннисчининг асосий баҳсларда кортга тушгани Тошкент турнирининг мав-

кейдан дарак беради, дейиш мумкин.

Президент кубоги турнирида биринчи ва иккинчи рақам остида қайд этилган катта ракетка усталарининг финал баҳсида рўбарў келиши эса мусобақаларга ўзига хос безак бўлди. Яъни россиялик икки забардаст теннисчи ўтган йилги турнир голиби Марат Сафин ҳамда "Юнусобод"да энг кўп муҳлисга эга бўлган Евгений Кафельниковлар биринчи бор ҳал қилувчи ўйинда кортга тушди. Ҳар икки спортчининг ҳам бу йилги тайёргарлиги, қолаверса Ўзбекистон Республикаси Президенти қўлидан бош совринни қабул қилиб олишга бўлган кучли иштиёқи бунга замин яратган бўлса, ажабмас.

Икки сет натижаларига кўра финалда ҳам ажойиб ўйин намойиш этган Марат Сафин бу йил яна бош совринни қўлга киритди.

Ушбу учрашув ни-



ҳоясига етгач, сўз Ўзбекистон Республикаси Президенти Ислам Каримовга берилди.

Мусобақаларнинг ёпилиш маросимидан олдин барча йиғилганлар ўтган ҳафтада АҚШда содир этилган даҳшатли террорчилик ҳаракатлари қурбонлари хотирасига бир дақиқа сукут сақладилар.

Ислам Каримов яқунланган спорт байрамининг нуфузи, иштирокчилар маҳорати, муҳлисларнинг самимий муносабати хусусида алоҳида тўхталиб ўтди. Шунингдек, турнирни муваффақиятли ўтказишда қўшган ҳиссалари учун ташкилотчилар ва журналистларга миннатдорчилик изҳор қилди.

Шундан сўнг давлатимиз раҳбари маъруза турнир голиби Марат Сафинга мусобақанинг бош соврини — "Ўзбекистон Республикаси Президенти кубоги"ни тантанали равишда

топширди.

Иккинчи бор бош совринни қўлга киритган М.Сафин — Ислам Каримовни томошабинлар орасида кўриш ва Ўзбекистон Президенти ҳузурда теннис ўйнаш менга катта мамнуният бахш этади, дея ўз ҳаяжонларини изҳор этди.

Президентимиз турнир финалчиси Евгений Кафельниковга ҳам мусобақанинг махсус совринини топшириб, уни Тошкент турнирининг энг садоқатли иштирокчиси, деб атади.

Ўз навбатида, Е.Кафельников яқин йилларда "Президент кубоги"ни қўлга киритиш энг катта мақсадларидан бири бўлиб қолганини таъкидлади.

Якка ва жуфтлик баҳсларида голиб бўлган теннисчиларни тақдирлаш маросими яқунланган Ислам Каримов саккизинчи бор ўтказилган "Ўзбекистон Республикаси Президенти кубоги" ҳалқаро теннис турнирини ёпиқ деб эълон қилди.

JUM'ADA JANON

• **Ўзбекистон Республикасининг "Маданий мерос объектларини муҳофаза қилиш ва улардан фойдаланиш тўғрисида"ги Қонуни матбуотда эълон қилинди.**

• **Мамлакатимизда меҳмон бўлиб турган Ҳиндистон давлат ташқи ишлар вазири Умар Абдулла Ўзбекистон ташқи ишлар вазири А.Комилов билан учрашди.**

• **Бутун дунёнинг эътиборини тортган АҚШдаги террорчилик хуружига жавобан амалий чоралар кўриш учун Америка ҳукумати 40 миллиард доллар миқдоридан маблағ ажратди ва ушбу тadbир аксарият америкаликлар томонидан қўллаб-қувватланмоқда.**

• **Афғонистонда Талибон ҳаракатига қарши шимолий ҳудудларда курашиб келаётган муҳолифат етакчиси Аҳмад Шох Маъсуднинг вафоти муносабати билан уюштирилган дафн маросимида иштирок этган генерал Дўстим Шох Маъсуднинг ўлими билан толибларга қарши кураш тугамаслигини ва бу ишда ўзи фаол бўлишини таъкидлади.**

ЭГИЗАК ҚУВОНЧЛАР

Мустақиллигимизнинг шуқуҳли 10 йиллиги тантаналари нишонланаётган кунларда Жалолқудқ туманидаги 15-мактаб ўқувчилари кўш шодиёнининг гувоҳи бўлдилар. Туман ҳокимлигининг ташаббуси билан тумандаги барча ташкилот ва муассасалар иштирокида ҳашар йўли билан 420 ўринли кенг ва ёруғ хоналари энг зарур, замонавий жиҳозлар билан таъминланган мактаб тез фурсатда қурилиб фойдаланишга топширилди.

Туман ҳокими Ўзбекистон Республикаси Олий Мажлиси депутаты Манзурахон Эгамованинг таъкидлашича, мактаб қурилишига тумандаги барча ташкилот, муассаса ва жамоа, ширкат ҳўжаликлари барабар ҳисса қўшдилар.

Маъруза тумандаги "Болгария" ширкат ҳўжалигида ҳам 220 ўринли мактаб истиклол тўйи кунларида фойдаланишга топширилди. Ширкат ҳўжалигининг маблағига қурилган ушбу мактаб ҳам бугунги кун талабаларига тўла жавоб беради.

Янги бинода янги ўқув йилини бошлаган ҳар иккала мактабнинг ўқитувчиларию ўқувчиларнинг қувончлари бир олам.

Олтинқўл туманидаги "Туркистон" ширкат ҳўжалигида истикомат қилувчи тadbиркор Ҳабибулло Махсумов савоб ишга қўл урди. Ҳабибулло аканинг маблағи ҳисобидан 330 ўринли мактаб қурилиб фойдаланишга топширилди. Мактабнинг очилиш маросими туман аҳолиси шодиёнасига айланаб кетди. Ўқитувчилар, ота-оналар саҳоватли инсон Ҳабибулло Махсумовга ўз миннатдорчиликларини билдирдилар.

— Мактаб қуриш гоятда савоб иш, — дейди тантананда иштирок этган вилоят халқ таълими бошқармасининг бошлиғи Тўхтасин Мирзаев, — зеро, Ҳабибулло Махсумовдек инсоннинг фидойилиги, саҳовати бу ерда таҳсил олаётган ҳар бир ўқувчига ибрат намунасидир. Улар бу ерда билим ва тарбия олар эканлар, саҳий ва фидойи инсонлар миллитимизнинг ишончли таянчлари эканлигини ҳис қилиб турадилар.

Янги мактабда машғулотларни бошлаган 20-мактаб ўқувчилари ҳаммаша аъло ўқишга, Ватанга муносиб фарзандлар бўлишга ваъда бердилар.

О.СИДДИҚОВ

Бугунги кунда юртимизда таълим соҳасида бўлаётган ўзгаришлар келажакда, албатта, ўз натижаларини беражак. Айниқса, ёш мутахассисларга бўлган эътибор диққатга сазовордир. Бундай ислохотларни амалга оширишда эса ҳар бир шахснинг ўзи ўрни ва вазифаси бор. Ана шу ислохотларни амалга ошириш мақсадида яқинда Тошкент шаҳар ўқитувчилар малакасини ошириш институтида ёш педагогларни қўллаб-қувватлаш, уларга ўз илгор ҳамкасблари тажрибасини етказиш мақсадида

Seminar

дастуридан ўрин олган Давлат таълим стандартларини бажариш, ўқувчилар билимини назорат қилишнинг рейтинг тизими, Ўзбекистон Республикаси Конституциясини ўргатиш, Мустақиллик дарслари каби мавзуларда ёш ўқитувчиларга тавсиялар берилди. Ўқитувчилар институт кутубхонаси ва "Интернет" билан таништирилди.

— Тадбирни ўтказишдан асосий мақ-

ЁШ МУТАХАССИСЛАР МАКТАБИ

"Ёш мутахассис мактаби"нинг методик ҳафталиги ўтказилди. Унда 700 нафар ёш ўқитувчилар қатнашди. Ушбу тadbир ҳар йили сентябрь ойининг бошида ўтказилади.

Ушбу методик ҳафталик фанлар бўйича алоҳида кўнларга бўлинган. Лекин бунга қарамасдан унинг ҳар кунлик вазифаси бир хил. Яъни, қайси фан ўқитувчиси бўлишдан қатъи назар, методик ҳафталикнинг кундалик мавзуларини эшитиши шарт. Масалан, тadbир

Фарход ЭРДОШЕВ



ТАЛАБАЛАРГА ИМКОНИАТ
Франциядаги Нанта университети маъмурияти талабалар учун яна бир қўлайлик яратиб берди — муассасада хоржин, дармонсиз, ҳайла-раст талабалар учун махсус дам олиш хоналари ташкил этилди. Талаба исталган пайти бу ерда дам олиб, қувватини тиклаб олиши ва яна дарс машғулотларини давом эттиравериши мумкин.

ҲАВОДАГИ ПОЙГАЛАР
Мутахассислар томонидан махсус оптик асбоблар воситасида айрим қушларнинг учуш тезликлари аниқланган. Масалан, қарғалар соатига 49,5-72,4, майда чумқуқсимонлар — 32,2-59,6, қуғурқуқлар — 61,2-78,9, гоълар — 67,6-88,5, ўрдақлар — 75,8-95,0, бургутлар — 64,4-77,3, каптарлар — 48,3-67,0, балкичи қушлар — 54,7-86,0 километр тезликда учар экан.

НОЁБ ТОПИЛМА
Темир кашф этилгандан кейин инсоният тарихида буюқ ўзгаришлар юз берганлиги маълум. Ўзбекистон ҳудудидан топилган энг қадимги темир буюмлардан бири бронзадан ясалган пичок бўлиб, унинг дастасидаги гулмихлар темирдан ясалган. Бу топилма аждодларимиз милoddан аввалги XV-XIII асрлардаёқ темирдан фойдаланганлигидан далолат беради.

ТОБОРА ОММАЛАШМОҚДА
Хитойда уяли телефонлардан фойдаланиш тобора оммалашмоқда. Айни пайтда бу мамлакатда 120,6 миллион киши ана шундай телефонлардан фойдаланишда ва бу рақам дунё мамлакатлари ичида энг катта кўрсаткичдир. 2005 йилга бориб, бу рақам 260 миллион нафарни ташкил қилади, дейишмоқда хитойлик алоқачилар.

Фарзанд гўдақлигида бағрингизда, ёнгангизда кўзингизни, дилингизни яшнатиб ўсади. Аммо шундай бир кун келадики, энди у ҳаётга, билимлар дунёсига кириб бориши, қадамба-қадам ўқиши, ўрганиши лозим бўлади. Энди уни сиз минг бир ҳаяжону ҳадик билан мактаб отлиг улуғ ва қўтлуғ даргоҳга йўлайсиз. Жигаргўшангизга пешвоз чиққан устознинг қиёфасидан, муомаласидан узингизга, дилингизга яхшилик, илиқлик, ҳамдардик излайсиз. Излаганларингизни топсангиз кўнглингиз тўлади, узингизни бахтли ҳис этасиз...

Гап нима ҳақида бораётганлигини аниқлабдирсиз? "Таълим тўғрисида"ги қонун ва "Қадрлар тайёрлаш миллий дастури" ҳамда "Соғлом авлод" Давлат дастурларини, Давлат

таълим стандартларини, янги педагогик технологияларни ҳаётга татбиқ этаётган илгор, ташуббускор ва фаол ўқитувчиларни аниқлаш мақсадида "Йил ўқитувчиси-2001" кўрик-танлови ўтказилмоқда. Кўрик-танловда таълим тўғрисида қабул қилинган барча ҳужжатлар

дан ўтиб, голибликни қўлга киритган ўз касбининг фидойи ва билимдон ўқитувчилари ўз билимларини намойиш этишади.

Бу тadbир ажойиб кўнларда — мустақиллигимизнинг 10 йиллиги кенг нишонланаётган бир даврда, "Ўқитувчилар ва мураббий-

Алишер Навоий, Темурийлар тарихи Давлат музейлари зиярат қиладилар. Шундан сўнг улар Республика Таълим марказида ҳакамлар ҳайъати, эксперт комиссияси аъзолари билан

дирар.

26 сентябрь куни кўрик-танлов қатнашчилари ўз касб-корини улуглай олиши ва эъозлаши, мураккаб педагогик ва психологик вазиятларда оқилона йўл тутиши, буш вақтлардан самарали фойдаланишлари каби шар-талар бўйича ўз касбий ва бадиий маҳоратларини саҳнада намойиш этадилар.

Хуллас, шу кун натижалар эълон қилиниб, совриндорлар аниқланади.

"Йил о'қитувчиси-2001"

Турсуноى АБДУЛЛАЕВА, ХТВ бош мутахассиси, Уғиллой ЮСУПОВА, РТМ методисти.

"Йил ўқитувчиси-2001" Республика кўрик-танлови қатнашчилари билан 2-бетда танишинг

Янги манба
2-бет

Кадрлар тайёрлаш миллий дастури — мустақиллик инъоми
2-бет

Ma'rifat маслаҳат-хонаси
2-бет

Yangi alifboni o'rganamiz
3-бет

Янги руқн: ДИҚҚАТ, ЧОРРАҲА
4-бет

